

Awor Felipe a **buska i haña** Natanaèl i a bis'é: "Nos a haña **Esun** di **Kende Moisés** a skirbi den **e Lei** i di **Kende e Profetanan** tambe a skirbi. Ta **Hesus di Nazarèt**, yu di Hosé." (**Juan 1:45**).

Yeshua; Hesus di Nazarèt: e Lei di Dios Tata.

Dios ta **Spiritu**, i esnan ku ta adorá '**E** mester adorá den **Spiritu i Bèrdat**." E muhé a bisa **Hesus**: "Mi sa ku **e Mesias** ta bin (**Esun** ku ta wòrdu yamá **Kristu**); ora **Esun** ei bin, E lo deklará nos tur kos." **Hesus** a bis'é: "**Ami ku ta papia ku bo 'E**." (**Juan 4:24-26**).

Mi a bin den e nòmber di **Mi Tata**, i boso no ta risibí **Mi**; si un otro bin den su mes nòmber, boso lo risibié. Ta kon boso por kere, boso ku ta risibí gloria un for di otro, i no ta buska e gloria ku ta bin for di **e úniko Dios**? "No kere ku **Ami** lo akusá boso dilanti di **e Tata**; esun ku ta akusá boso ta **Moisés**, den kende boso a pone boso speransa. Pasobra si boso a kere **Moisés**, boso lo a kere **Mi**; pasobra el a skirbi di **Mi**. Ma si boso no ta kere loke el a skirbi, kon boso lo kere **Mi palabranan**?" (**Juan 5:43-47**)

E ora ei **Hesus** a bisa nan: "**Di Bèrdat, di Bèrdat, Mi** ta bisa boso, no ta **Moisés** a duna boso e pan for di shelu, ma ta **Mi Tata** ta duna boso e pan berdadero for di shelu. Pasobra **e pan di Dios** ta **Esun** ku ta baha for di shelu i ta duna **bida** na mundu." E ora ei nan a bisa '**E**: "**Señor**, duna nos semper **e pan** aki." **Hesus** a bisa nan: "**Ami ta e pan di bida**; esun ku bin serka **Mi** lo no haña hamber, i esun ku kere den **Mi** lo no haña set nunca. Ma **Mi** a bisa boso ku boso a mira **Mi** i tòg no ta kere." (**Juan 6:32-36**)

Hesus a kontestá nan: "**Mi a bisa boso**, i boso no ta kere; e obranan ku **Mi** ta hasi den e nòmber di **Mi Tata**, ta esakinan ta duna **Testimonio di Mi**. Ma boso no ta kere, pasobra boso no ta pertenesé na **Mi karnénan**. **Mi karnénan** ta tende **Mi bos**, i **Mi konosé nan**, i nan ta **sigui AMI**; i **Mi** ta duna nan **bida etèrno**, i nan lo no peresé nunca; i ni un hende lo no ranka nan for di **Mi man**. **Mi Tata**, Kende a duna **Mi** nan, ta mas grandi ku tur; i ni un hende no por ranka nan for di man di **Mi Tata**. **Ami i e Tata ta ún**." E hudiunan a bolbe kohe piedra pa piedra '**E**. **Hesus** a kontestá nan: "**Mi** a mustra boso hopi bon obra di **Mi Tata**; pa kual di nan boso ta piedra **AMI**?" E hudiunan a kontesta '**E**: "Pa un bon obra nos no ta piedra **ABO**, ma pa blasfemia; i pasobra Abo, siendo hende, ta hasi **Bo mes Dios**." **Hesus** a kontestá nan: "No a wòrdu skirbí den **boso Lei**: 'Mi a bisa: **Boso ta diosnan**'? Si el a yama nan '**diosnan**', na kendenan **e palabra di Dios** a bin i **e Skritura** no por wòrdu kibrá, boso ta bisa di **Esun, Kende e Tata** a **Santifiká** i a manda den mundu: 'Bo ta blasfemá,' pasobra **Mi** a bisa: '**Ami ta e Yu di Dios**'? (**Juan 10:25-36**)

Tomas a bisa **Hesus**: "**Señor**, nos no sa unda **Bo ta bai**; kon nos por sa e kaminda?" **Hesus** a bis'é: "**Ami ta e Kaminda**, i **e Bèrdat**, i **e Bida**; ni un hende no ta bin serka **e Tata**, sino pa medio di **AMI**. Si boso tabata konosé **AMI**, boso lo a konosé **Mi Tata** tambe; i for di awor padilanti boso konosé **Tata** i a mira **Tata**." (**Juan 14:5-7**)

Yeshua; Hesus di Nazarèt: e Lei di Dios Tata. E hudiunan tabata tin un tabernakel den desierto ku nan tabata yama **e Kaminda**, i **e Bèrdat**, i **e Bida**. Ta pa e motibu aki **e Kortina** ku tabata wòrdu yama **e Bida** a sker di ariba te abou, pasobra **Hesus ta e Bida**. (**Juan 10:10**)

19 ougùstùs 2018

Sea Bendishoná den e Amor di Yeshua Mesias
Rev. Remsly L Riley